



29. april 2019

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

**Naalackersuisunut apeqquut:**

- 1. Piniarnermut Aalisarnermullu Nakkutilliisut sineriapiluunersuatsinni amerlisarneqarnissaat pillugu Naalackersuisut qanoq pilersaaruteqarpat?**
- 2. Sinerissatsinni nakkutilliisugut atugassarititaat naammagisimaaginnarneqarsinnaanngitsut tusarneqartarpoq, atungassarititaasut soorlu; angallateqarnerit allallu assigisai qanoq Naalackersuisunit pitsanngorsaavigineqarnissaanik siunnerfeqartoqarpa?**

(Inatsisartuni ilaasortaq Aqqalu C. Jerimiassen, Atassut)

**Tunngavilersuut**

Sineriassuarput angeqaaq, uumasooqarnermigullu piniakkat uumasut aalisakkallu taassaanngiusartumik amerlassusillit pigivagut. Aallaaniarnermullu inatsiseqarpugut, ajoraluartumillu sinerissuatsinni maanna unioqutitsilluni aallaniarnerit tusarsaajuarpud takussaajuarlutillu.

Piniarnermut Aalisarnermullu Nakkutilliisugut tassaasussaappud sinerissatsinni inatsisunik malinnitsitsisussat. Taamaattumillu pingaartuuvoq tamassuma nutartertuarnissaa ullumikkumullu malinnaatittuarnissaa.

Tissiataarutit nunani allaneersut nalunaarsorneqaratik allaat tusartalersimavagut maanna sinerissatsinnut pulariarlutik nunatta pisuussutaanik tigooqqaasartut, ilaatigullumi allaat timmissat nungunnissaminnut ulorianartorsiorsinnaasut manniinik tigooqqaasarlutik. Tamakkumi tusartuakkat uppersarisariaqalerpagut paasiniaaffigalugillu, ilumoorsimappatalu iliuuseqarfigalugit.

Nakkutilliisoqarnerput sipaggarinnerpaatut pissuseqarfigineqarsinnaanngilaq illuanillu namminiilivinniassamik nillianiannguaasartoqartoq, nunattami avammud isigineqarneranut illersuutigaagut, taamaammallu inerisaavigiuartariaqarlugit.